

ანგარიში ეკონომიკის, ქონების მართვისა და ინფრასტრუქტურის კომისიის განუყოფელი მუშაობის შესახებ

ეკონომიკის, ქონების მართვისა და ინფრასტრუქტურის კომისიის სამოქმედო გეგმა ეფუძნება საქართველოს ორგანული კანონის „ადგილობრივი თვითმმართველობის კოდექსის“ ხარაგაულის მუნიციპალიტეტის საკრებულოს რეგლამენტისა და ეკონომიკის, ქონების, მართვისა და ინფრასტრუქტურის კომისიის დებულების მოთხოვნებს.

კომისიის შემადგენლობაში საკრებულოს 8 დეპუტატია, რომლებიც აქტიურად არიან ჩართულები კომისიის მუშაობაში. ეკონომიკის, ქონების მართვისა და ინფრასტრუქტურის კომისია რიგ შემთხვევებში აწარმოებს პროექტების განხილვას საკრებულოში არსებულ სხვა კომისიებთან ერთად. აგრეთვე, საკითხებს განიხილავს ხარაგაულის გამგეობის შესაბამისი სამსახურების ჩართულობით.

კომისიამ განიხილა ხარაგაულის მუნიციპალიტეტის 2016 წლის ბიუჯეტის პროექტი, კერძოდ, ინფრასტრუქტურის მშენებლობა, რეაბილიტაცია და ექსპლუატაციის მიმართულებით დაგეგმილი ხარჯების ნაწილში. კომისიამ მართებულად მიიჩნია გაზრდილიყო თანხები ხიდ-ბოგირების შესაკეთებლად და ასაშენებლად, ასევე გაზრდილიყო თანხები სანიაღვრე არხების მოწყობისათვის, გზების მოვლა-შენახვის (რეაბილიტაციის) გათვალისწინებული თანხების შემცირების ხარჯზე. შემდგომში აღმასრულებელმა ხელისუფლებამ კომისიის აღნიშნული მოთხოვნები ნაწილობრივ გაითვალისწინა. 2015 წლის ბოლოს კომისიამ ხარაგაულის მუნიციპალიტეტის საკრებულოს ჯანდაცვისა და სოციალურ კომისიასთან ერთად აწარმოა მონიტორინგი, ხარაგაულის მუნიციპალიტეტის ტერიტორიაზე (დაბაში) თუ როგორ, რა მიმართულებით მოიხმარა მოსახლეობამ მიღებული თანხა, რომელიც სტიქიით დაზარალებულ ბენეფიციარებზე იყო გაცემული და დადო შესაბამისი დასკვნა.

ეკონომიკის, ქონების მართვისა და ინფრასტრუქტურის კომისიამ საკრებულოს დავალებით, თავის უფლებამოსილების ფარგლებში, შეამოწმა გამარტივებული წესით (ერთ პირთან მოლაპარაკების) გზით შესრულებული ინფრასტრუქტურული პროექტები და დადო შესაბამისი დასკვნა. გვინდა აღვნიშნოთ, კომისიის აქტივობა მოსახლეობასთან შეხვედრების თაობაზე, კერძოდ: დაბაში და სოფლებში, კიხში, ვარძიაში, წიფაში, ფონაში, ბაზალეთში და სხვა. მოსახლეობის მიერ წარმოდგენილი მოთხოვნები კომისიის მიერ იქნა დამუშავებული და აღმასრულებელ ხელისუფლებასთან ერთად და შეიქმნა პრიორიტეტული ინფრასტრუქტურული პროექტები, რომელთაგანაც ბევრი დასრულებულია, ზოგჯერ მიმდინარეობს მშენებლობითი სამუშაოები, ხოლო ბევრ მათგანზე დასრულებულია საპროექტო

სამუშაოები, რომელიც განხორციელდება ეტაპობრივად შესაბამისი თანხების მოძიების შემდგომ.

2016 წლის თებერვალში კომისიის სხდომაზე დეპუტატებმა მხარი დაუჭირეს ხარაგაულის მუნიციპალიტეტში სოფლის მხარდაჭერის პროგრამის ფარგლებში გამოყოფილ და განაწილებულ თანხებს.

კომისიამ 2016 წლის დასაწყისში შეისწავლა და მხარი დაუჭირა 2016 წელში რგფ–დან დაფინანსების მისაღებად წარმოდგენილ საპროექტო წინადადებების სიას. კომისია აქტიურად თანამშრომლობს აღმასრულებელი ხელისუფლების ეკონომიკისა და ქონების მართვის, ინფრასტრუქტურის, ზედამხედველობისა და არქიტექტურის სამსახურთან. კომისიის ჩართულობით დამტკიცდა ხარაგაულის მუნიციპალიტეტის საკუთრებაში არსებული საპრივატიზაციო ობიექტთა ნუსხა, აგრეთვე, ხარაგაულის მუნიციპალიტეტის ბალანსზე არსებული ამორტიზირებული ტექნიკის აღრიცხვა და ჩამოწერა (ეს პროცესი ახლაც მიმდინარეობს). აღნიშნული სამსახურების მუშაობის შეფასება კომისიის მიერ ხდება წლის ბოლოს.

ხარაგაულის მუნიციპალიტეტის საკრებულოს ეკონომიკის, ქონების მართვისა და ინფრასტრუქტურის კომისია ყოველი თვის ბოლოს, სამუშაო გეგმის მიხედვით, იწვევს კომისიის სხდომებს. გავლივართ გეგმით განვირილ საკითხებს, ვინვევთ მუნიციპალიტეტში არსებულ ა(ა)იპ–ის ხელმძღვანელებს, განვიხილავთ მათ მიერ შესრულებულ სამუშაოს და ინფორმაციას სამომავლო გეგმებზე, აგრეთვე ხდება განხილვადი მსჯელობა პრობლემებზე, წლის ბოლოს ხდება კომისიის მიერ მათი განეული სამუშაოს შეფასება. ხშირად შემოდის მოსახლეობის წერილობითი მოთხოვნები, რის საფუძველზეც კომისია წერილებს ეცნობა და პრობლემის აღმოსაფხვრელად რეკომენდაციებს გადასცემს შესაბამის სამსახურებს.

კომისია მიიჩნევს, რომ იყოს მეტი კოორდინირება გამგეობის სამსახურებთან. ხშირად გადანყვეტილებების მიღება გვინვეს მოკლე დროში, რაც არაა მიზანშეწონილი.

ერთი წლის განმავლობაში, კომისიას ჩარატებული აქვს 8 გეგმიური და 11 რიგგარეშე სხდომა, სადაც ხმათა უმრავლესობით მოხდა დადებითი დასკვნის დადება, ხოლო ორ პროექტზე გაიცა უარყოფითი დასკვნა. კომისიის სხდომა ქვორუმის არარსებობის გამო არ შედგა ორჯერ.

ხარაგაულის მუნიციპალიტეტის საკრებულოს ეკონომიკის, ქონების მართვისა და ინფრასტრუქტურის კომისია შესაბამისი ხელშეწყობის შემთხვევაში შედარებით შედეგიანად შეძლებს მუშაობის გაგრძელებას.

საკრებულოს ეკონომიკის, ქონების მართვისა და ინფრასტრუქტურის კომისიის თავმჯდომარე, შალვა ლურსმანაშვილი